

隨園女弟子詩選

前冊

錢塘袁枚選

隨園女弟子詩選

上海掃葉山房石印

隨園女弟子詩選序

兄為少女而聖人繫之以朋友講習離為中女而聖人繫之文明以麗乎正葛覃卷耳首冠三百篇女子之能詩宜也

聖朝文教昌明坤貞協吉名門大家皆沐二南之化隨園先生風雅所宗年登大耋行將重宴瓊林矣四方女士之聞其名者皆欽為漢之伏生夏侯勝一流故所到處皆斂衽投地以弟子禮見先生有教無類就其所呈篇什都為拔尤選勝而存之久乃哀然成集攜過蘇州交穀付梓穀辭曰先生此舉真盛德事第中有碧珠意珠二人皆穀侍者年幼初學操觚不敢與女公子及諸夫人並列先生笑曰當年齊桓晉文合諸侯時同盟者豈皆魯衛大邦竟無邾莒附庸執玉帛而來與會者耶子何所見之狹也穀不能辯遂就其原本以付梓人

嘉慶丙辰夏五月新安汪穀心農氏序

隨園女弟子詩選目錄

卷一

席佩蘭

孫雲鳳

卷二

金逸

卷三

駱綺蘭

張玉珍

廖雲錦

孫雲鶴

卷四

陳長生

嚴蕊珠

錢琳

王玉如

陳淑蘭

王碧珠

朱意珠

鮑之蕙

卷五

王倩

張絢霄

畢智珠

盧元素

戴蘭英

屈秉筠

許德馨

卷六

歸懋儀

汪玉軫

吳瓊仙

鮑尊古

袁淑芳

王蕙卿

隨園女弟子詩選卷一

席佩蘭

字韻芳洞庭山人嫁常熟孫子滿原相孝廉
兩人工詩為一時佳耦著有長真閣詩稿

刺繡

手擘香絨一縷輕殷勤揀取眾芳名紅顏大半霜前落不繡芙蓉繡女貞

月夜

高卷湘簾待月明尋詩不覺到深更一輪皎潔當空照萬里無雲夜氣清

柳絮

白似輕霜軟似綿東風漂泊最堪憐不如點入桃花水化作浮萍轉得圓

思親

十五年無一日離那堪睽隔兩旬期昨宵枕上思親淚猶夢牽衣泣別時

同外作

水沉添取博山溫一院梨花深閉門燕子不來風正靜小樓人語月黃昏

惜別

舍却韶光作遠遊天涯何處覓封侯
忽忽柳絮催春老默默桃花替客愁

曉夢正酣鶯轉谷晚妝初罷燕歸樓黃昏又恐姮娥笑月到珠簾不上鉤
聞鐘

坐擁寒衾思悄然殘燈挑盡未成眠紗窗月落花無影只有鐘聲到枕邊
送春

碧桃一樹絳雲飛瘦却紅情綠轉肥怪底東風無氣力送春歸不送人歸
寄衣曲

欲製寒衣下翦難幾回冰淚灑霜紈去時寬窄難憑准夢裏尋君作樣看
商婦曲

別來歲月似江深江上孤帆是妾心一片春光無處買不知何用覓黃金
望外逾期不歸

記得扁舟放棹遲殷勤問取早歸時忽看紅樹青山影已負黃花白酒期
情重料非言恹恹愁多莫是病支離一緘手寄難憑準豈是橋頭賣卜知
喜外竟歸

曉窗幽夢忽然驚破例今朝雀噪晴指上正輪歸路日耳邊已聽入門聲

縱憐面目風塵瘦猶覩襟懷水月清好向高堂勤慰問敢先兒女說離情
感燕巢於舊壘

瑟瑟社鼓打新晴海燕來時繞屋鳴明月梨花雙翦白東風柳絮一身輕
為他珠箔先期捲知我雕梁隔歲成縱使朱門春似海紅絲應重故人情
登陸

脫却風波踏地平穿將珠顆數郵程明明馬鐸車前響又認閨中鐵馬聲
曲阜

杏壇教育至今長禮讓雍容自一方道氣尼山瞻靄靄金聲泗水聽湯湯
冕旒貴且臨天子巾幘卑難拜素王他日歸家誇弟妹也曾親到聖人鄉
曉行觀日出

曉行亂山中昏黑路難辨默坐車垂簾但覺霜括面冰上滑馬蹄膽怯心
驚戰前駭絕壑奔後慮危崖斷合眼不敢開開亦無所見俄頃雲霧中紅
光綻一線初如蜀錦張漸如吳綃翦倏如巨靈擘復如女媧煉綺殿結乍
成蜃樓高又變五色若五味調和成一片如劍光益韜如寶精欲斂精光

所聚處金鏡從中現破空若有聲飛出還疑電火輪絳宮轉金柱天庭貫
陰氣豁然開萬象成昭煥

除夕

官閣沉沉更漏傳思親此夕倍淒然夢中白髮三千里隙裏青春二十年
殘酒傾來都是淚寒燈挑盡不成眠嬌兒宛轉頻相近轉憶當時繞膝前
夫子報罷歸詩以慰之

君不見杜陵野老詩中豪謫仙才子聲價高能為騷壇千古推巨手不待
制科一代名為標夫子學詩杜與李不雄即起無綺靡高唱時時破碧雲
深情渺渺如春水有時放筆悲憤聲腕下疑有工部鬼或逞揮毫逸興飛
太白至今猶未死豐茲嗇彼理或然不合天才有如此今春束裝上長安
自言如芥拾青紫飄然幾陣鯉魚風歸來依舊青衫耳囊中行卷錦繡堆呼
燈轉讀紗窗底燕晉山河赴眼前春秋風月藏詩裏人間試官不敢收讓
與李杜為弟子有唐重詩遺二公況今不以詩取士作君之詩守君學有
才如此足傳矣閨中雖無卓識存頗知乞憐為可恥功名最足累學業當

時則榮沒則已。君不見古來聖賢貧賤起。

南歸日題上黨郡署壁

一回首處一淒然。弱質曾經住兩年。呼婢留心揀妝盒。莫教人拾舊花鈿。
雨後棠梨片片殘。飛來如露濕粘闌。一花一木尋常見。到得離時却耐看。

三橋春遊曲

態度天然彈袖行。旁人著眼太分明。玉顏却映桃花色。贏得紅潮兩頰生。
輕舟搖過復搖迴。偏見儂船費浪猜。通體一絲紅不著。料應知是上墳來。
荒祠半圯罷喧聞。滿屋花枝照水鮮。不是彩明裙碧處。更無人艤水蘭船。
不是矜嚴不是莊。梵王宮殿拜鸚王。兒家自了燒香願。一晌拈花已夕陽。
放漿如飛落日遲。並船相見好花枝。春遊學得新興髻。明日梳頭更入時。

楊花

凭闌一陣撲衣衿。飛向天涯何處尋。芳草池塘春寂寂。梨花院落晝陰陰。
迎風欲舞佳人態。到處為家蕩子心。一任兒童閒捉取。不堪雲鬢上頭簪。

茉莉

好花多上美人頭。曉鏡妝臺帶露收。專夕獨應占此種。人中小玉最風流。

題梅棠冊子

細寫紅情入素縑。妝成日日看何厭。綠窗記得風如翦。睡起釵橫為卷簾。

織女歎

秋月已如雪。秋風已如鐵。孤燈耿寒機。有女當窗織。廢我一宵。眼看絲乍盈尺。廢我兩宵。眼看絲不成匹。豈不畏龜手。此心凜無逸。昨日入城提蟹筐。東隣嫁女耀豐妝。綵幣百千束。綺羅十二箱。龍章象服何煌煌。平生不識蠶與桑。歸來泣對機中錦。知與誰人作嫁裳。抽刀斷機不如寢。又聽絡緯啼金井。

夜坐

銅壺幾點漏聲稀。寶鴨香生一縷微。閑却碧紗窗六扇。不教花影上人衣。

斷腸辭

哭安兒也
名文桂

記兒生日。祖遷官。錫汝嘉名。曰璐安。今日蠻烟瘴雨外。一行書寄白頭看。
兒生於上黨郡署太守公奇愛之。今春公有從征巴勒布之役。錦綳三日試蘭湯。嘖嘖爭看太守堂玉印。

犀錢諸客賀那知都作殮時裝

四月十五月淒淒兒死重蘇哭笑齊

早識今朝重訣絕一番悔作兩番啼

兒生而病瘍周時頻死者屢矣

六年奉汝似曇

華喜即開顏怒不遏博得牀頭臨別喚一聲娘罷一聲耶

阿耶謂汝

太聰明六歲葩經誦已成痛絕晨鐘初動後枕邊猶聽背詩聲

青蓮

詞句浣花篇巧對分明惡識傳頃刻花飛雲亦散乘槎何處覓張騫

兒工於屬

對如有情憐宋玉無處覓張騫水如碧玉山如黛雲想衣裳花想容偶舉一聯應聲即答

筆牀硯匣鎮前緣終日

隨身死不捐裁得雲箋如掌大奇思早在蔚藍天

兒初讀書輒喜作詩語多不可曉日出云誰將

烈火輪碾破蔚藍天十字

奴夫銀盃婢覆羹替人擔過受耶驚而今事事皆逢怒

贏得全家哭失聲

兒愛於父僕婢有過懼為主人所呵輒護之兒亦樂為人任咎沒後無不流涕者

一盞元

霜絕命時誰將劍柄授庸醫黃泉莫恨庸醫誤只恨耶娘誤殺兒

十八日兒病少

差進粥矣庸醫張東夔投以石膏逾夕遽殞

梅花香裏竟長眠碧落茫茫望眼穿揀個觀

音生日死若非歸佛定生天

釋氏以二月十九為觀音誕

翦水雙瞳凍欲沉雪膚

還裹小紅衾畫師縱有傳神手難畫聰明一片心

一行魂吊寫冰紈

六歲嬌兒字阿安生就成童材質異忍將無服下殤看

禮七歲以下為無服之殤哭之以日

兒之警慧過於成人
雖欲分殤也可乎

並命鴛鴦舅與甥九京偏有渭陽情可堪兩眼

枯如井更聽孀親哭子聲

兒歿之次日幼子祿兒亦死又三日余弟杏春死五日之間哭三殤焉

弟後

兄先更可哀一雙珠顆落泉臺嬌啼望汝扶持好十日前纔斷乳來

時祿兒甫

三齡

一盃良醞奠靈牀滴向泉臺哭斷腸誰是酒漿誰是淚教兒酸苦

自家嘗

己酉三月三日葬阿安阿祿於報慈橋余病臥支離遙哭以送自去

年兒病至今筆牀離手四百日矣

一對瑤林瓊樹枝百花生日命如絲更堪綠水流觴日恰是青山葬玉時
病骨不容親視寔傷心翻借哭為詩雙魂望汝歸來早依舊扶牀未可知

暮春

十樹花開九樹空一番疎雨一番風蜘蛛也解留春住宛轉抽絲網落紅

蟬聲

涼颼送孤響不定是何枝斷續成三弄纏綿引一絲小樓清夢覺老樹夕陽遲莫更看明鏡先防鬢影衰

潘妃

永夜宮中拜蔣神白門一決竟逡巡玉兒肯為東昏死却勝還朝作徽人

如本王敬
則家妓

夏夜示外

夜深衣薄露華凝。屢欲催眠恐未應。恰有天風解人意。窗前吹滅讀書燈。

上袁簡齋先生

慕公名字讀公詩海內人人望見遲。青眼猶來幽閣裏。縞衣無奈澣妝時。
蓬門昨夜文星照。嘉客先期喜鵲知。願買杭州絲五色。絲絲親自繡哀絲。
深閨柔翰學塗鴉。重荷先生借齒牙。漫擬劉公知道蘊。直推徐淑勝秦嘉。
解圍敢設青綾障。執贄遙褰絳帳紗。聲價自經椽筆寵。掃眉筆上也生花。
南極文昌應一身。幸瞻藜杖拜星晨。十年早定千秋業。片語能生四海春。
詩格要煩裁偽體。畫圖何敢秘丰神。願公參透拈花旨。可是空王座下人。

時方以拈花
小影乞題

謝竹橋禮部為序長真閣詩

畫省清曾玉署賓十年早乞養親身湖山可少先生佳才力能扶大雅輪
課子恰應如栗里辭官非敢忘楓宸要他戀祿忘親輩知道林間大有人
桃李門牆早綠陰春風噓拂到幽林閨中也入憐才格家食無忘報國心
一卷蠅吟投小草六朝鴻製重兼金天教繼起隨園老特備詞壇兩賞音
題薔薇便面

淺白深紅次第開繡屏風上蝶飛回勸君莫吸花心露留待香閨盥手來
以指甲贈外

摻摻指爪脆珊瑚金翦修圓露雪膚付與檀奴收拾好不須背癢倩麻姑
新年雪

寒衾戀殘夢曉至失天明不是雙鬟報猶疑片月生小窗深積素孤石露
餘清莫訴南枝杏年交臘未更

春夜月

小鬟夜半推窗看報道中庭積雪盈曉起更無餘屑在始知殘月昨宵明

古鏡

一片秦時月。清光萬古新。對君原是我。知爾閱多人。難使年華駐。翻嫌面目真。深藏如不露。何處看纖塵。

賣花聲

只隔紅牆角。一灣東風吹過。又吹還。何人最解關心。聽偏是檀奴勝小鬟。十四夜月。

最高樓閣最玲瓏。齊出玻璃面。面屏千里青山波浸透。一城秋夢鶴呼醒。天無表裏皆澄澈。月在中間是性靈。萬事將圓未圓好。此情說與素娥聽。十五夜月。

吹破碧雲何處簫。一輪捧出九層霄。影如秋水無渣滓。光閃明星欲動搖。萬古不磨惟此鏡。百年幾度是今宵。願天月與人俱好。暗把心香歲歲燒。白蓮。

鑑爾亭亭影波中。一片霜潔連根盡。玉清到葉俱香。殘月墮微白。野風生嫩涼。須知蓮界淨。才好坐空王。

桐葉落

萬綠驕新雨。翩然一葉飛。未經搖落候。先判盛衰機。暑散紅蓮沼。涼生白
苧衣。人間趨熱者。輸爾最知幾。

送外入都

打疊輕裝一月遲。今朝真是送行時。風花有句憑誰賞。寒暖無人要自知。
情重料應非久別。名成翻恐誤歸期。養親課子君休念。若寄家書只寄詩。

送姪婦謝翠霞歸甯

閨中宛勝竹林遊。忽動鄉情引別愁。澣服暗驚慈母線。飛花隨上美人舟。
明知去路無千里。預恐歸期過九秋。我亦有親常苦別。欲留卿住忍相留。

病懷二首

坐廢晨梳倦廢眠。病人心事困人天。桃花流水剛三月。柳絮因風又一年。
偶檢藥方翻繡譜。暫開簾押放爐烟。綠紗牕口屏山角。最愛清陰最惱蟬。
支離無奈又昏黃。冰簟桃笙不上床。帳底豈宜燒鵲腦。鐙前偏是盼蟾光。
頻添繡被疑春冷。細數銅壺覺夜長。何處微風忽吹到。牕邊幾陣藕花香。

以詩壽隨園夫子蒙東縑之報且以詩冠

本朝一語相最何敢當